

CUSSEGL GROND

Sessiun d'october 2022

Incumbensa da la fracziun da la PLD concernent la regulaziun d'ina pensiun per las commembras ed ils commembers da la Regenza (emprima sutsegnadra Kocher)

En la sessiun d'avust 2021 ha il Cussegl grond concludì ina revisiun parziala da la Lescha davart la Cassa da pensiun dal Grischun (LCPG) ed ha meglierà cleramain il provediment da las collavuraturas e dals collavurats chantunals. Da l'augment da las contribuziuns dals patruns profitan er las commembras ed ils commembers da la Regenza, uschia ch'ina revisiun da questa regulaziun s'impona.

Per las commembras ed ils commembers da la Regenza vala la Lescha davart ils salaris e davart la prevenziun professiunala da las commembras e dals commembers da la Regenza (LSPR). Questa lescha prevesa en l'art. 8 ina pensiun graduada che vegn pajada per vita duranta, sche las entradas d'ina anteriura commembra u d'in anteriur commember da la Regenza na surpassan betg il salari d'ina commembra u d'in commember en uffizi.

Talas regulaziuns da la pensiun eran usitadas pli baud en blers chantuns e valan anc oz per il Cussegl federal. Ellas èn giustifitgadas cunzunt sut l'aspect da la limitaziun dal temp d'uffizi che vala en il chantun Grischun e che mo paucs chantuns enconuschan.

La gronda part dals chantuns ha midà l'ultim temp ad autras soluziuns da provediment per las commembras ed ils commembers da la Regenza.

La limitaziun dal temp d'uffizi da las commembras e dals commembers da la Regenza duai restar. Percunter duai la pensiun vegnir pajada mo fin la vegliadetgna da pensiun. La reducziun da la pensiun, sche las entradas d'ina anteriura commembra u d'in anteriur commember da la Regenza surpassan il salari d'ina commembra u d'in commember en uffizi, duai restar.

Uschia incumbenseschan las sutsegnadras ed ils sutsegnaders la Regenza da suttametter al Cussegl grond ina midada da la Lescha davart la pensiun da las commembras e dals commembers da la Regenza, che prevesa da pajar en il futur ina pensiun maximalmain fin la vegliadetgna da pensiun.

Cuira, ils 19 d'october 2022

Kocher, Luzio, Cahenzli (Trin Mulin), Altmann, Berweger, Bundi, Censi, Claus, Hartmann, Hohl, Holzinger-Loretz, Jochum, Kasper, Kienz, Kuoni, Loi, Michael (Castasegna), Mittner, Natter, Pfäffli, Rodigari, Rüegg, Schutz, Stiffler, von Moos, Wieland